

CAPUT II.

DE

CONTRARIIS MATRIMONII.

§. 1.

Constat per impedimentum matrimonij nil intelligi aliud, quam obstaculum quoddam morale faciens, quo minus mas & fœmina matrimonium contrahere pro suo lubitum queant, retardansque eosdem ab amplectendo conjugij statu, qui solet iniri sibolis procreandæ, & communis subsidijs causâ. Morale illud obstaculum quoties tantum est, ut attentata contra ipsum matrimonia omni prorsus robore ac valore destituantur, sub nomine impedimenti dirimentis proponitur, sub vocabulo autem impedimenti solummodo impedientis explicatur, dum matrimonio contrahendo sic resistit, ut contraetio non adiimat roboris firmatatem.

§. 2.

Quantum ad impedimenta impudentia, horum plura fuerunt olim orta ex delicto, de quibus Schmier b. tit. p. 3. cap. I. Sect. 3. §. 1, 2, & 3, quæ tamen hodiè exolevere Lessl. de just. & jur. lib. 4. cap. 3. n. 68. ut non nisi quatuor orta tamen sine delicto supersint, Ecclesiæ vetitum, seu specialis prohibito, quâ matrimonium authoritate Ecclesiasticâ quibusdam

busdam personis ex causâ legitimâ redditur illicitum, Tempus feriatum, per quod hodiè intelligitur tempus adventûs usque ad Epiphaniam, & à die cinerum usque ad dominicam in albis Trid. *Seff. 24. de reform. matr. Cap. 10.* & licet hoc quoque tempore non ipse matrimonij contractus, & consummatio, sed tantum nuptiæ, id est convivia, choreæ, externa pompa prohibeantur Pignatelli *Tom. 6. consult. 47.* Usus tamen Germaniæ habet, ut hisce temporibus non assistant matrimonio parochi, nisi urgeat necessitas, & non aliter, quam habito ordinarij consensu, ubi fieri potest, tertium impediens sunt Spōnfalia per *Cap. 22. de Spons.* ac denique votum simplex v. g. castitatis, ingrediendi Religionem, suscipiendi sacros ordines, hoc enim stante matrimonium contrahitur illicite *Cap. un. de vot. & vot. redempt. in 6.* idque procedit, si matrimonium contrahatur modo ordinario, nimirūm cum animo consummandi, secùs si extraordinario cum pacto v. g. servandi continentiam.

S. 3.

DE impedimentis dirimentibus videamus, & lubet initium facere ab errore, error judicium animi est, sed falsum, & ut hic matrimonium dirimat requiritur Primo ut objectum substantiale contractus matrimonialis sit cognitum à contrahentibus, qui errare supponuntur, neque enim in rem prorsus ignotam aut assensum dabit intellectus, aut affectum voluntas, requiritur Secundo, ut cognitio,

eo, quā objectum istud repræsentatum est, suā qualicun-
 que vi effectrice concurrit ad eligendum idem obje-
 tum, Tertiō requiritur, ut electio ita, quā sit consensus
 ab utrāque vel alterutrā contrahentium parte, sic fundata
 sit in apprehensā veritate cognitionis præexplicatæ, ut in
 casu deficientis in eā veritatis certò nolle consentire ani-
 mus, & hic error cùm moveat ad consensum solummodò
 conditionatum, deficiente conditione ponit involuntarium
 simpliciter, & hinc nullam in errante obligationem, idq;
 non tantū de jure positivo, ut notant doctores ad *Can.*
unic. caus. 29. q. 1. & Leg. 15. ff. de jurisdic̄t. sed & naturali,
 cùm enim jus naturale exigat, ut homines matrimonium
 contracturi consensum habeant & absolutum & liberum,
 quoties se purā conventione obligare intendunt, non est
 dubitandum, quin juxta ejus juris naturalis dictamen error
 afferens libertatem, ac voluntarietatem absolutam con-
 sensus ipsum matrimonij attentati vinculum dirimat, huc
 facit doctrina Grotij *de Jur. Bell.* & *pac. lib. 2. cap. 11. n. 6.*
 denique si error est circā qualitates personæ, totiès rectè
 quoque infertur deficere consensum voluntarium in ob-
 jectum substantiale actūs, quoties qualitates istæ vel sunt
 juxta contrahentis intentionem instar finis primarij, ad
 quem obtainendum matrimonium ipse sibi elegit velut me-
 dium eatenus visum esse necessarium, vel sunt in contra-
 etum deductæ tanquam signa determinantia personam in-
 dividualem, cùm quā matrimonium celebretur, utroque

namquè in casu qualitates ita redundant in personam, ut consensus in eam non sit absolutus, nec eandem respiciat nisi sic qualificatam, proindeque error, qui intervenit, ipsumque consensum antecedit, circà ipsam usque adeò personam intervenisse dicendus sit vide Schmier. *Jurispr.*
Can. Civil. lib. 4. p. 3. Cap. 2. à n. 183. ad casum tamen particularem promissionis ac conventionis matrimonialis ista applicanda non sunt, ubi error solummodo versatur circà accidens substantiæ liberâ voluntate ele~~ct~~eta Cap. 18. de *Sponsal.* ut si quis ducat ætate provectam pro succi plenâ juvenculâ, pro solis filiâ calidâ ac callidâ algentem ætate Nympham, aut quando jurgiosa Xantippe deprehenditur quæ suavis Catulli Lesbia, aut Bonefoni Pancharis esse credebatur Havemann. *de jure connubior.* lib. 1. tit. 5. posit. 3. n. 2.

§. 4.

Metus motus animi est malum imminens fugientis, utque matrimonium dirimat debet esse imprimis injustus, & proinde talis, cuius incutieendi vel nullam suâ improbitate causam dederit is, cui incussus est, vel nullam suo jure facultatem habuerit is, à quo incussus est, debet deinde metus esse gravis, qualis censetur ille, quo animus aversatur malum imminens juxta prudentem fortis, constantisque hominis estimationem, & magnum, & ad evadendum ita difficile, ut ejus evitandi aliqua nihilominus spes adsit compossibilis cum promissione, quâ alius inten-

tentatum metuenti malum & posse & velle exequi existimatur, debet quoque metus esse causa impulsiva ad amplectendum matrimonij statum, in ordine ad quem quia elicitus consensus apprehenditur à metuente tendere magis ad diminuendam, quam promovendam suam felicitatem, inde est, quod animus metuentis cum aliquâ plerumque tristitia ponat consensum in circumstantiis impellentis metus, ac per consequens subsecutus contractus, qui velut medium ad mali imminentis fugam eligitur, evadat involuntarius secundum quid in positis istis contra propriam voluntatem circumstantiis, metum autem enarratis conditionibus instructum dirimere matrimonium ad mentem juris Ecclesiastici dubitare vetat *Cap. 14, 15, 21, 28, de spons.* & *matr. Cap. 2. de eo qui duxit in matr.* An autem jus etiam naturale omnem legis Ecclesiastice irritationem antecedens dirimat istiusmodi matrimonium, ad quod extorquendum metus revera incussus fuit inter doctores non ita convenit, verius tamen mihi videtur cum Covarruv. 4. *decret. p. 2.* *Cap. 3. n. 6.* Gletle 1. *p. pand. q. 34. n. 16.* meticolosum tale matrimonium jure etiam naturali irritari hâc potissimum ex ratione, quod constet Authorem statûs conjugalis Deum voluisse, ut si qui disparis sexûs homines se consociarent ad ineundum statum hunc, intimam quandam, eamque (quantum ex eorum parte est) nulli retractationi obnoxiam animorum, corporumq; conjunctionem sibi sponderent, ista verò conjugalis societatis perpetuitas & arctitudo gravissimarum inductiva obligationum objectum

cum

cum sit a leto arduum, videtur omnino præ exigere plenam
in personis desponsandis libertatem ab omni gravi, inju-
stoque metu immunem, sanè ad obtinendum designatæ
à naturâ pro conjugali societate felicitatis bonum simpli-
citer expediebat irritatio matrimonii sine tantâ libertate
contracti, cum enim matrimonia ex justo usquè adeo me-
tu contracta difficiles soleant habere exitus, quæ potest es-
te spes prudens inchoandæ, fovendæque amicitiæ, & ab
hac dependentis felicitatis conjugalis, si quando ad fabri-
candum conjugij vinculum adhibetur artifex injurya vio-
lenti metu?

§. 5.

Impotentia, prout hic consideratur, est inhabilitas ad
commixtionem maris & fœminæ, quominus per co-
pulam efficiantur una caro, soletque respectu fœminæ in-
terdùm arctitudo, interdùm respectu maris frigiditas ap-
pellari ut notum est ex Cap. 5. & 6. § de frigid. & ma-
lefic. ut autem inhabilitas ista vim dirimendi matrimonij
certam habeat, debet ipsa antecessisse matrimonium ra-
tum, impotentia siquidem, quæ contracto validè matri-
monio supervenit, intactum relinquit matrimonij valo-
rem Cap. I. de frig. & malef. Can. 25. caus. 32. q. 7. debet
quoque inhabilitas ista antecedens esse perpetua, qualis
toties adesse censetur, quoties ex parte personæ inhabilis
sine gravi periculo vitæ ab eâ incurriendo curari vel tolli
n:quit per media licita Cap. 6. de frig. & malef. debet in-
super

super perpetua inhabilitas esse vera saltem respectu personæ, cum quâ matrimonium fuit attentatum, neque enim requiri potest, ut respectu qualiumcunque personarum absoleta impotentia adsit, cùm matrimonij valor non examinetur plerumque aliter, quam in ordine ad personas duas hic & nunc volentes se obligare ad conjugii statum sobolis procreandæ, communisque subsidijs causâ. Quod verò impotentia jure quoquè naturali attentatum matrimonium penitus dirimat, Sententia est, quæ contra Paludanum in 4. dist. 30. q. 1. art. 2. n. 6. aliosque tanquam verissima defenditur, exigit enim substantialis matrimonij valor, ut fiat traditio corporum cum jure mutuo saltem radicali ad exigendum, obtainendumque conjugale debitum, idque de jure naturæ Genef. Cap. 2. v. 24. & 1. Corinth. 7. v. 3. & 4. quæ ipsa traditio cum impossibilis sit respectu personarum impotentium pro omni tempore, & quidem non solum ad liberorum procreationem, sed usque adeò ad sanguinis veram, legitimamque communicationem, attentatum à talibus personis matrimonium nullam naturaliter potest habere vim obligantem, imò non debet sub matrimonij nomine comprehendendi Lubet hic quærere, an ob Sterilitatem saltem ex ratione statûs apud Reges, & principes matrimonium rescindi queat? & Respondeo negativè per textum rotundū in Can. 27. caus. 32. q. 7. & rectè, licet enim in conjugio sterili non attingatur finis primarius, qui est procreatio sobolis, attin-

F

gitur

gitur tamen finis secundarius, qui est solatium humanitatis & remedium concupiscentiae *Can. 41. Caus. 27. q. 1.* accedit, quod Sterilitas scèpè progrediente tempore corrigatur, ut præter exempla Saræ, Rebeccæ, Rachelis, Elisabethæ, aliarumque recentiora comprobant, sic Boleslao Poloniæ Regi uxor Adelheidis Henrici 4ti Imperatoris Filia post decennij Sterilitatem quinque filios, unamque filiam peperit, Salome Gabrielis Basilij Magni Moschorum ducis uxor post annum 21um adhuc enixa est Georgium filium, quod ipsum Mariæ Theresiæ Ludovici 13ti Regis Galliarum uxori Ludovici 14ti matri contigisse constat confer Mijler. in *Gamolog. Cap. 4. n. 8. & seq.*

§. 6.

Ligamen, prout est impedimentum dirimens matrimonium, est vinculum ex priori matrimonio valido resultans, faciensque ut eodem priori matrimonio durante nullum valeat posterius matrimonium, circà hoc ligamen, si leges Pontificias in *Cap. 31. & de spons. & matr. & Cap. 3. & ult. de spons. duor.* respiciamus est certum primò, quod id ipsum resultet ex matrimonio non tantùm consummato, sed etiam rato, certum secundò est ex sanctissimis divinæ institutionis decretis de quibus tūm alibi, tūm *i. ad Corinth. 7. v. 10. & Cap. un. de vot. & vot. redempt. in 6.* quod illud ligamen tam forte sit respectu personarum ad matrimonialem societatem obligatarum, ut nullo amplius privato ipsarum arbitrio dissolvi queat, atquè hinc tantò facilius

lius intelligitur, unde ligamini illi vis insit dirimendi atten-
tata secundò matrimonia, quò apertiùs insinuatur masculum & fœminam, postquam nuptias celebrarunt validè,
sic corporis sui respectivè potestatem transtulisse, quan-
tum est ex earum parte, in alteram partem, ut factâ
hac translatione amiserint facultatem corpus uni traditum
valido contractu obligandi cuidam tertio, atque ita ob re-
quisitæ facultatis defectum non debeat mirum videri, si
matrimonium aliquod durante priore initum sit quoque
contra naturalem legem prohibentem, ac irritantem, hinc
& jura contra bigamos ultore gladio armantur *Ordin. Crim.*
Caroli sti art. 121.

§ 7.

Consanguinitas, prout inter personas ab Adamo proto-
parente descendentes attenditur, est propinquitas per-
sonarum ab eodem stipite descendantium carnali propa-
gatione contracta Schmier part. 3. Cap. 3. §. 1. per tot. ha-
betque suos illa gradus, quos in ordine ad matrimonium,
& ex hoc dependentes causas constat interdùm aliter de
Civilis, aliter de Canonico jure computari per text. *in Can.*
2. 4. & 6. caus. 35, q. 5. Cap. ult. §§ de consang. & affin. Nec
minus constat consanguinitatem duas in lineas dividi, qua-
rum una recta dicitur continens ordinatam seriem perso-
narum, quarum nulla ab aliâ, benè verò à communi o-
mnibus parente genita est, in quâcunque autem linea consan-
guinitas versetur, aliqua esse scitur, quæ matrimonium

dirimat. Sanè consanguinitas in linea rectâ secundum civiles, Canonicasque sanctiones in L. 35. ff. de rit. nupt. §. 1. inst. de nupt. & Can. 2. caus. 35. q. 2, & 3, matrimonium iritat inter ascendentibus, & descendentes, cuiuscunque gradus sint, in infinitum Vallens, de consang. & affin. §. 1. n. s. quo autem in gradu jus naturale dirimat matrimonium inter personas consanguineas disputatur à multis. De primo gradu non placet imprimis quæstionem instituere, nam adeò horribilis ac turpis est congressus personarum in eo gradu sibi consanguinearum, ut indubitate sustinendum matrimonium inter eas dirimi spectato jure naturæ Struv. exercit. 29. Tb. 47. de nupt. quod & inde rectè quoque probat Grotius de l. bel. & Pac. lib. 2. cap. 5. n. 12. quod nec Filius - maritus, qui foret superior lege matrimonij, eam reverentiam posset præstare matri, quam natura exigit, nec patri filia-uxor, hæc enim, quanquam foret in matrimonio inferior, ipsum tamen matrimonium, si quod subsisteret, talem inter eas personas induceret societatem, quæ illius necessitudinis reverentiam excluderet, atque hoc vitium cum perpetuum maneret, providâ naturalis Juris Sanctione non illicitus duntaxat, sed insuper irritus decerni debuit actus vitii adeò turpis, ac perpetuum indecentis productivus, quid quod non pauca belluarum ab ejusmodi conjunctione abhorreant, ut testis est Aristoteles l. 9. hist. animal. C. 47. & Plin. hist. nat. l. 8. C. 42. Extra gradum primum in secundo & ulterioribus linea rectæ

recte matrimonium jure naturali non ditimi probabilius
 judico cum Sanchez. lib. 1. disp. 51. n. 19. Fagnano ad Cap.
 ult. de consang. à n. 33. aliisque quos refert Schmaltzgruber
 tit. 14. n. 31. Quod attinet ad lineam consanguinatis ob-
 liquam certum imprimis jure Pontificio ex Cap. 8. de con-
 sang. quod seclusa sedis Apostolicæ dispensatione consan-
 guinitas usque ad quartum inclusivè gradum matrimonium
 irritet, deinde certum est ex Concil. Trid. Sess. 24. de re-
 form. matr. Cap. 5. memoratam dispensationem in quarto,
 tertio, imò & secundo gradu posse habere locum, nūm
 verò dispensatio similis subintrare valeat quoad gradum
 primum, quo frater & soror à se invicem distant, quæ-
 stio est dependens ab eo, an jus naturale inter primi trans-
 versalis gradūs personas validum nullum permittat matri-
 monium? quo in puncto verius arbitror legem natura-
 lem non repugnare valori matrimonij inter fratrem, soro-
 remque initi propter autoritatem tūm Scripturæ Sacræ
Genes. 20. à V. 11. & 2. Reg. C. 13. v. 13. tūm juris non mi-
 nus Canonie in *Can. 8. Caus. 35. q. 3.* quam Civilis in *L. 35.*
ff. de V. O. dein favet ratio, quod inter personas eo gra-
 du consanguineas posset servari æqualitas in Societate ma-
 trimoniali observanda, hujus enim observantiæ possibili-
 tem & ostendit Deus optimus in primis ex Adamo fratri-
 bus & sororibus, & dei in terris Vicarius Pontifex Marti-
 nus V. referente Cajetan. opusc. de matr. Reg. Angl.

§. 8.

Affinitas, quæ est propinquitas personarum ex carnali copulâ proveniens carens omni parentalib[us] matrimonium dirimit usque ad quartum gradum inclusivè, si oriantur ex copulâ licita Cap. 8. de consang. & affin. usque ad secundum, si ex concubitu illicito Trid. Sejj. 24. de reform. matr. Cap. 4. ubi pro computatione graduum scienda est regula, quo gradu quis est consanguineus viro, eodem etiam est affinis fœminæ, & vicissim quo gradu quis est consanguineus fœminæ, eodem quoque affinis est viro Can. 3. caus. 35. q. 5. inter consanguineos tamen, consanguineasque viri & fœminæ affinitas nulla contrahitur, Cap. 5. de consang. & affin. legitimè proinde etiam inconsulto S. Pontifice Joannes Wilhelmus gloriosissimæ Memoriæ Elector Palatinus inivit matrimonium Viennæ cum Mariâ Annâ Josephâ Augustissimi Leopoldi sorore anno 1678. die 25. Octobris non obstante, quod prius invictissimus Imperator Leopoldus anno 1676. die 14. Decembris Eleonoram Magdalenam Theresiam altèfati Electoris Palatini Sororem Germanam in uxorem duxisset. Cùmque etiam impedimentum affinitatis in nullo gradu matrimonium de jure naturali dirimat, cùm nec ratio principiati, nec specialis reverentia id exigat, sed tantum ex jure Ecclesiastico vim suam habeat, constat desuper dispensari posse, prout dispensatum scimus 8. Decembris anni 1695. cum Francisco Farnesio Duce Parmensi, ut Dorotheam Sophiam Natam

nam Ducem Neoburgicam fratri sui Odoardi III. uxorem sibi connubio jungere potuerit.

§. 9.

Publica honestas est inchoata quædam affinitas resul-
tans ex sponsalibus de futuro vel de præsenti inter per-
sonas affines matrimonium dirimens & quidem orta ex
sponsalibus de futuro tantum ad primum gradum T̄ id.
Seff. 24. de refor. matr. Cap. 3. proveniens ex sponsalibus de
præsenti ad quartum gradum inclusivè *Cap. 3, 4, & 8, de*
spons. Cap. un. eod. in 6. ratio dirimendi cùm non fundetur
in aliquâ necessitate vel naturali indecentiâ , sed in quâdam
honestate, & convenientiâ , ut servetur respectus erga spon-
salia, & magis erga matrimonium præcedens , in nuptiis
enim non tantum quod licitum , sed & quod honestum ,
spectari debet *L. 197. ff. de Reg. jur.* facilè patet publicæ
honestatis impedimentum non ab alio jure , quâm hu-
mano Ecclesiastico derivari, sed à plurimis jam sæculis , ac
ut valdè credibilè paulò post initia nascentis Ecclesiæ per
text. in Can. 11, 12, 14, 15, caus. 27. q. 2. unde Julius 2dus cum Hen-
rico 8vo Rege Angliæ , & Catharinâ Austriacâ anteà Art-
huro Henrici fratri nuptâ dispensavit Pignatelli *Tom. 4. con-*
sult. 14. n. 4.

§. 10.

Votum, quod est promissio deliberata deo facta de me-
liori bono, ut constituatur inter impedimenta diri-
mentia

mentia, debet esse regulariter solenne, ac in Religione per sedem Apostolicam approbatâ legitimè emissum *Cap. un.*
de vot. & vot. redempt. in 6. hinc qui professionem edidit in
tertiâ regulâ D. Francisci vel D. Dominici, aut in quartâ regu-
lâ S. Francisci de Paula valido connubio jungitur, cùm re-
gulae istæ non sint approbatæ ad vovendum solenniter,
sed simpliciter König *ad tit. qui clerici vel voventes part. 2.*
§. 3. n. 15. ordines etiam maiores in legitimâ ætate spon-
taneè & validè suscepiti matrimonium dirimunt *Trid. Seff.*
24. de sac. matr. Can. 9. minores tamen, & non sacri, cùm li-
bertatem matrimonij relinquant intactam illud nec diri-
munt, *Cap. 1. & s. de cleric. conjug.* in ambobus autem his
impedimentis utpote jure tantum Ecclesiastico constitutis
urgente causâ boni communis dispensatio locum habet,
prout dispensatum legitur cum Casimiro Rege Poloniae,
qui è monasterio Cluniacensi Parisiis à Polonis revocatus,
ac dispensante S. Pontifice Throno impositus dignissime
sceptrum tractavit, idem factum cum Ramiro, qui è mo-
nasterio ad thronum educitus fuit, ut Fratri Alphonso Ar-
ragonie Regi in obsidione Fragæ perempto substitueretur
Bussieres in *Flosculis histor. areol. 14. pag. 331.* Sic & cum
Francisco Leopoldo Guilielmo Comite Slabata Canonico
Ecclesiæ Passaviensis ad intercessionem Augustissimi Leo-
poldi *Imi 14. Jannuarij 1690.* Alexander octavus dispen-
savit König *loc. cit. num. 10.*

§. II.

Inter impedimenta dirimentia venit & crimen tūm adulterii, tūm conjugicidii, prius incurunt, qui durante matrimonio legitimo adulterium formale perpetrant, ac insuper sibi invicem promittunt matrimonium post mortem alterius conjugis contrahendum, aut matrimonium de facto attenant cap. 1. pen. & ult. de eo qui duxit in uxor. quam poll. per adult. posterius incurunt, qui mutuo consensu conjugem interficiunt eā intentione, ut post mortem peremptæ conjugis matrimonium inter se queant contrahere cap. 3. & 6. d. tit. cap. 1. de convers. infid. dirimit & matrimonium cultūs disparitas, quæ est diversitas religionis dirimens matrimonium fidelem inter & infidem, idque præcipuè ob periculum perversioris juxta text. 3. reg. 11. v. 3. ubi de Salomone sapientissimo ita legitur, *depravatum est per mulieres cor ejus, ut sequeretur deos alienos* vide & v. 2. cap. eod. & hoc impedimentum non provenire ex jure naturali patet Genes. 29, 31, 41. exod. 2. ubi viri graves Jacob, Joseph, & Moyses tempore legis naturalis matrimonium cùm mulieribus Ethnicis contraxisse leguntur, neque etiam divino seu veteris, seu novi testamenti, sic in veteri contraxit Salmon, filius Naassonis cum Rahab paganâ Josue 2. Booz cum Ruth Moabitide Gentili Ruth. 4. Sambson cum Dalilâ Philistinâ Judic 16. David cum Machâ Cananæâ 2. Reg. 3. Salomon cum filiâ Pharaonis Regis Ægypti 3. Reg. 3. Sic in novo testamento

G

mento

mento contraxit S. Cæcilia cum Valeriano Ethnico, S. Monica mater S. Augustini cum gentili, Clotildis principissa Christiana cum Clodovæo francorum Rege tunc Ethnico, Edelburga cum Eduino Rege Anglorum adhuc gentilitatis erroribus involuto Clericat. *de Sacram. matr. decis. 26. n. 10.* dicendum ergo id profluere ex jure tantum Ecclesiastico, & magis non scripto, quam scripto Sanchez. *lib. 7. disp. 71. n. 7.*

§. 12.

POstremò inter impedimenta dirimentia venit Clandestinitas, & Raptus, clandestinitas enim, licet matrimonium semper reddiderit illicitum, *can. 1, 2, 3, 5. cauf. 30. q. 5. cap. ult. de cland. despōns.* nunc etiam dirimit eorum, qui contrahunt absque proprio Parocho, & duobus testibus in locis Concilii Tridentini promulgati, & per usum contrarium non aboliti Trid. *Sess. 24. de reform. matr. cap. 1.* non refert tamen, an Parochus ille proprius nolit, repugnet, aut vidolovè inductus sit, modò prælens sciat matrimonium contrahi *arg. L coram titio 209. ff. de V. S.* quis veniat nomine parochi proprii vide Pirrhing *de clandest. despōns. §. 3. n. 20.* Konig. *eod. tit. §. 5. n. 4.* ubi circā principes illud speciale, quod licet censeantur esse cives omnium urbium, & pagorum sui principatū, non tamen nisi coram parocho palatii, ubi ordinariè resident, validè nuptias contrahant Konig. *loc. cit. n. 13.* Raptus est violenta abductio fœminæ de loco in locum moraliter diversum matrimonii contrahendi

trahendi gratiâ, hinc fluit impedimentum non induci, si rapti consentiat arg. cap. pen. de raptor. licet parentes sint inviti, non enim his, sed libertati matrimonii Tridentinum consulere voluit Sanchez lib. 7. disp. 13. n. 13. aut si raptus alio, quâm matrimonii ineundi fine factus sit Sanchez loc cit. n. 4. tamdiu autem raptus matrimonium irritat, donec mulier loco tuto fuerit redditâ Trid. sess. 24. de reform. matr. cap. 6.

§. 13.

Contraria denique matrimonii semel validi est ejus dissolutio, seu divortum, quod ex causâ superveniente quandoque contingit, aut quoad vinculum aut quoad thorum, mensam, & cohabitationem manente conjugii vinculo, restat ergo, ut de eo videamus, & quidem primô matrimonium legitimum etiam consummatum dissolvi potest quoad vinculum, quando unus conjugum convertitur ad fidem, alter in infidelitate permanet, & cohabitare converso aut non vult, aut non sinè injuriâ Creatoris 1. Corinth. 7. v. 15. can. 3, 4, 7. caus. 28, q. 1. cap. 7. ¶ nos igitur, cap. 8. v. qui autem de divort. secundò matrimonium ratum duobus casibus etiam quoad vinculum dissolvit alterius nimirùm conjugis religiosâ professione cap. 2. § 7. de conv. conjug. Trid. sess. 24. de matr. can. 6. & dispensatione Apostolicâ Sanchez lib. 2. disp. 14. n. 2. Engel ad tit. de spons. duor. n. 3. Less. de just. & jur. lib. 2. cap. 4. dub. 14 n. 116. Sic in specie dispensatum traditur de Martino

V. Eugenio 4to, Paulo 3to, Pio 4to. imò Sanchez & Less.
loc. cit. addunt Gregorium 13tum uno die cum undecim
 dispensasse, Matrimonii denique consummati vinculum
 sola fidelium mors solvit, non adulterium Trid. *seff. 24.*
de matr. can. 7. quanquam non negem propter adulterium
 conjugis unius tūm carnale & de jure naturali, quo fides
 perfidè eam violanti servanda non est, & divino Matth.
cap. 19. & Canonico *can. 19.* *Et ult. caus. 32. q. 5. cap. 2, 4, 5,*
8. de divorc. tūm spirituale can. 5, 6. caus. 28. q. 1. Cap. 6, Et 7.
in fin. de divorc. aliasque ob causas, de quihus Engel ad tit. de
divorc. §. 4. Schmier *part. 2. cap. 5. Sect. 2. §. 3.* parti innocen-
 ti quoad thorum, & mensam divorcium concessum esse,
 si modò id in causâ dubiâ, nec vulgo cognitâ non atten-
 tetur absque interveniente Judicio Ecclesiæ *cap. 9. de spons.*
Et cap. 4. de divorc. ad quam dum dico pertinere potestatem
cognoscendi circa causas matrimoniales per cap. 2. de judic.
*Trid. *seff. 24. de sacr. matr. Can. 12. junctâ clem. 2. de judic.**
etiam sacerdotali connexas cap. 3. de ordin. cognit. cap. 5, Et 7.
qui fil. sint legit. Myns. cent. 1. obs. 100.

Pro morali thesium coronide hortor **omnes**, ut no-
 stros humani cordis affectus sic Deo bonitatis infinitæ
sponso impendamus, quò ei *desponsati* in fide, ac demum
 omnibus hujus mundi *impedimentis* *dissoluti* insepa-
 rabilis *vinculo conjugi* mereamur in cœlis.

